

1 ZON

Khe Zon Fharav Khergi Gap

Khe fharav ganinga buni khare.

Zon ndikndiga mpuani ga nzuav kha gava khergi. Zon khuen vuzvugiap, kha gava khergi. Ana Zisas khotigap ana zin vui gumgi gu mbigir kurarim, mbe Fhe Bakime phorgiv ndava bavira kiv, vhira ana Kam Zisas Kraiss phorgip ndava bavira kirga. Ana vhira khuen vuzvugi fhuvara. Mba Zisas khotigap ana zin vui gumgi gu mbigi, mbe fhura mba ndava vurar ki gumgi gu mbigi ganirim, mbe mbe guiguigip, mbe ngirim, mbe Fhe Bakime thamthargane, ana ne thagi.

Mba ndava vurar ki gumgi gu mbigi, mbe khan nzuai, “Kha nuianan ki bigi, nta nzerigi fhuvara.” Mbe ne nzuav khan nzuai, “Maan muungip, Zisas, ana Fhe Bakimen Kam ma. Ana maan muungim, ana ram muungip kha nuiana guma ga gegip, nza kha nuianan ki gumgi gu mbigi mbui bigi, ana nta muunrie?” Mbe maan nzuav vhira khan nzuai, “Guma nzerara Fhe Bakime phorgip kir sanv, ana kha nuiana bigi ga ndikndigi thari. Kha bigina phuni vhira, tivar vhuun gum ndavar harigi gumgi gu mbigi ga ndii tiv, mba tivani, ni vhira kha nuianan tivani ma. Maan muungip, nde kha khesharigi tivi, nde pim nta ndikndigip, nta zin ngi thari.” Kha nuianan ndava vurar ki gumgi gu mbigi, mbe maan nzuai.

Mbe maan nzuaim, Zon khuen vuzvugi, mba Zisas kothigap ana zin vui gumgi, mbe khuarar mbe nzuai ndikndigi mbatigi ga rigi thari. Ana ne nzuav khan mbe nzuai, “Zisas guigira guma guara gegap, kha nuianan higi. Nde guigira Zisas kothigap ana zin vui gumgi gu mbigi, nde guigira wo ndavir Fhe Bakimen niingip, vhira wo ndavir harigi gumgi gu mbigir niingiri.”

**Nza vhava njaara kav anan njaara
rui gumgi gu mbigi, nza fhura
mba ginginan ki gumgi gu mbigi
ganirim, mbe nza guiguigi thari.**

Nza Fhe Bakime khan nzuai guma “Ana Fhe Bakime zazera mbara muungiap ki biinjbiinj ndi ndii kamen ma.” Nza ana garim, ana nzan han zergi.

¹ Nza Fhe Bakime bun nzuav khan nzuai guma, “Ana Fhe Bakime zazera mbara muungiap ki biinjbiinj ndi ndii kamen ma.” Ana maan nzuai guma, ana fhum guarara ki guma ma. Nza ana buni mbararav, nza vhira wari won ringira ana gangi. Nza ana garav, nza vhira ana fhavar sui-rigi. ² Mba guma, ana nzan han zergim, nza ana gangiap, ana bun nzuai. Nza kha bun nde nzuai guma, ana zazera mbara muungiap ki biinjbiinj ndi ndii guma ma. Mba guma ana fhum Fhe Bakime han Hevenan kegap, kirar higim, nza ana gangiap ana bun nde nzuai. ³ Nza ana gangiap, ana nzuai buni mbararagiap, nta bun nde nzuai, nde vhira

1:1 Zo 1.1-4; 1.14; 20.27; 2 Pi 1.16; 1 Zo 2.13-14 **1:2** Zo 1.14; 21.24; FG 2.32; Ro 16.26 **1:3** Zo 17.21; FG 4.20; 1 Ko 1.9; 1 Zo 2.24

nza phorgiv ndava bavira kirga. Nza Fhe Bakime phorgap ndava bavira kav, nza vhira ana Kam Zisas Krai, phorgap ndava bavira ki. ⁴ Nza kha buni kherav, nta bun nde nzuai, nde nza phorgip, nza guigira ndikndiga mbatigar muunga.

Nza vhava njaarar rurga.

⁵ Nza ana suangi buni, nza nta mbararagiap, nta bun nde nzuai. Mba buni khan nzuai, Fhe Bakime, ana vhava njaara bakime fara muungim, bigina mpiga thuen anan ki fhu. ⁶ Nza maan muungip khan suanga, “Gu ana phorga ndava bavira ki.” Nza maan suanjv, nza ndava vura tivi khigira kirga, nza ginginara ki. Nza nzuai kamej, ne guigi kamej ma. Nza guigira buni guari zin vui fhuvara. ⁷ Zisas, ana vhava njaarar ki. Nza maan muungip vhava njaarar kirga, nzan tivi vhira njarav kirga, nza vhira ana fara muungiap vhava njaarar ki. Nza vhira Fhe Bakime zin vui gumgi gu mbigi phorga ndava bavira ki. Nza wari tigip ndava bavira kirga, anan Kama Zisas Krai vizin, nza mbui tivi mbatigi ruai, nza njarav ki.

⁸ Nza maan muungip khan suanga, “Nza tivi mbatigi ga mbui fhu.” Nza maan nzuai, nza nduarira wari ga shikshigi, buni guari nzan ndavi vherir ki fhuvara. ⁹ Nza mba suambarar muun thav, nza wari wo muungi tivi mbatigi bun suanga, Fhe Bakime muun za suangi kamej, ana mba tivar nzan muunga. Ana tivar vhuunra nzan muunjv,

1:4 Zo 15.11; 16.24; 2 Zo 1.12 **1:5** Zo 1.9; 9.5; 12.35-36; 1 T 6.16; Ze 1.17; 1 Zo 3.11 **1:6** 2 Ko 6.14; 1 Zo 2.4 **1:7** Ais 2.5; Zo 3.21; Ef 1.7; Hi 9.14; 1 Pi 1.19; VB 1.5; 7.14 **1:8** Jop 9.2; Sng 32.5; Snd 28.13; Ze 3.2; 1 Zo 2.4 **1:9** Sng 51.2; Snd 28.13; 1 Zo 1.7

nza fhum muunji tivi mbatigi, ana za nta vhezgip, nta ndikndik njangirga. Ana nta ndikndik njangip, nzan kurarim, nza njararga. ¹⁰ Nza maanj muungip khan suanga, “Gu tiva mbatiga thuen muunji fhu.” Nza mba suambara mbui, nza khan Fhe Bakime nzuai, ana guiguigi guma ma. Nza mba suambara mbui, Fhe Bakime buni vhuuin nza ndavi vherir ki fhuvara. ^a

2

Krais, ana nzan Kurkurigi Guma ma.

¹ Nde nan tari, gu kha buni khergiap, nde ndi mbai. Nde nta gangip, tivi mbatigir muunga fhu. Nde maanj muungip, nde the tiva mbatiga thuen muungip, nde khuen kangiri, nzan kurkure ki, ana Fhe Bakime han ki. Ana Zisas Krais, ana Tivir Vhuuinra Mbui Guma ma. ² Ana nduara nzan tivi mbatigi vhezirga njara muunji. Ana vhira nzara kurkura zav mba njara muunji fhuvara. Ana vhira za kha nuianan ki gumgi gu mbigir kurkurav, vhira mbe tivi mbatigi vhezir zav, mba njara muunji. Ana mba njara mbuav, ringiap, nza muunji tivi mbatigi vhezgim, nza Fhe Bakime phorgap ndava bavira ki.

Guma guigira Fhe Bakime kangiap, ana Fhe Bakime nzuai tivi zin vui.

1:10 1 Zo 1.8 **a** **1:10** Fhe Bakime buni vhuuin ki gavar njanin vhirvera kha kamej ki. Kha nuianan ki gumgi gu mbigi, mbe za tivi mbatigi ga muunji. Buk Song 16.3 ganiv, Aisaia 53.6 ganiv, 64.6 ganiri. **2:1** Ro 8.34; 1 T 2.5; Hi 7.25; 9.24 **2:2** Zo 1.29; 11.52; Ro 3.25; 2 Ko 5.18; Kor 1.20; 1 Zo 4.10; 4.14

³ Nza Fhe Bakime suanji tivi, nza nta zin ngirga, nza wari kanji, nza guigira ana kanji.

⁴ Maan muungip, guma the khan suanga, “Gu guigira Fhe Bakime kanji,” ana maan suanv, ana Fhe Bakime suanji tivi zin vui fhu, mba guma, ana bigi shikshigi guma ma. Ana maan suanv, ana Fhe Bakime suanji tivi zin vui fhu, mba guma, ana bigi shikshigi guma ma. Fhe Bakime buni guari ana ndava vhen ki fhuvara. ⁵ Guma the maan muungip Fhe Bakimen buni vhuuin zin ngirga, mba guma, ana nza won Ndia Fhe Bakime, ana guigira won ndavar kha nuianan ki gumgi ga nningiap, guigira mbe vuzvugi tiva kanji. Guma the mba tivar muunga, mba guma guigira Fhe Bakime phorga havhargi.

⁶ Maan muungip guma the khan suanga, “Gu Fhe Bakime phorga havhargi.” Mba guma maan nzuai, ana guigira Zisas ruigi rurur muunri. ⁷ Nde nan kivntogi, gu kha khergiap, nde ndi mbai tiv, ana tivar kamej fhuvara. Ana fhum ki tiva vur ma. Nde fhara guarara, nde Zisas kothigap, nde mba tiven kanji. Kha tiva vur fhum mba kaman vhuuen suanjim, nde ne mbararagiap, ne kanji. a ⁸ Kha tiv, gu ana khergiap nde ndi mbai, ana

2:4 1 Zo 1.6-8; 4.20 **2:5** Zo 13.15; 14.21-23; 15.4-5; 1 Pi 2.21; 1 Zo 4.12-13; 4.17; 5.3 **2:7** 1 Zo 2.24; 3.11; 2 Zo 1.5-6 a **2:7** Zon mba Zisas Zon sapta 13 ves 34 suanji tiv, ana ana nzuai. Mba tiv khan nzuai, “Nde bevbevira, nde guigira wari wo ndavir harigi ntirir niri.” Ndu 1 Zon sapta 3 ves 23 ganiri. Mbe fhum guarara mbe Zisas zin panan ruagiap, mbe mba tiva ndigi. Maan muungiap, mba tiv, ana mben tiva vur ma. Zisas nduara khan mba tiva nzuai, ana tivar kam ma. Ves 8, ana khan nzuai, ana vhira tivar kam ma. **2:8** Zo 1.9; 8.12; 13.34; Ro 13.12; Ef 5.8; 1 Te 5.5; 5.8

vhira tivara kamenj ma. Zisas mba kiri tiva muungji, nde vhira mba kiri tiva mbui. Nza maanj muungjiap kanji, mba tiv, ana guigira tiva guar ma. Ne khan muungji, maanj vhezir za mbuim, ntige vhava njaraa guar higa shirigi.

⁹ Maanj muungjiap, guma the khan suanga, “Gu vhava njaraa ki.” Ana maanj suanj, ana guigira wo ndavar ana phorga guigira Zisas kothigi guma ga ndii fhu, ana vhava njaraa ki fhuvara, ana ginginan ki. ¹⁰ Guma won ndavar guigira Zisas kothigap ana zin vui guma ga ndii, mba guma, ana vhava njaraa ki guma ma. Ana vhava njaraa ki, bigin the ana so darim, ana rigirga tukitigi fhuvara. ¹¹ Maanj muungjiap, guma thevi Zisas kothigap ana zin vui guma the vuzvugirga fhu, mba guma, ana ginginan ki. Ana ginginan kav, ana ginginara ruav, ana wo vui tuav kanji fhuvara. Mba maanj ginginan anan rimani vharigi.

¹²⁻¹⁴ Nde nan tari, Fhe Bakime Kraisa zin panan nde fhum muungji tiva mbatigi, ana nta vhezgiap, nta ndikndik njangi. Gu maanj muungjiap kha buni khergiap, nde ndi mbai.

Nde nan ndegi, nde mba fhum ki guma, nde ana kanji, ana ntige mbara muungjiap khar ki. Gu maanj muungjiap kha buni khergiap, nde ndi mbai.

Nde gumgir njaka, nde Satan daangia mbur khingi. Gu maanj muungjiap kha buni khergiap, nde ndi mbai.

2:9 1 Ko 13.2; 2 Pi 1.9; 1 Zo 3.10; 3.14-15; 4.20 **2:10** Zo 11.9;
 Ro 14.13; 2 Pi 1.10; 1 Zo 3.14 **2:11** Zo 11.10; 12.35 **2:12-14**
 Ru 24.47; FG 4.12; 13.38; 1 Ko 6.11; 1 Zo 1.7 **2:12-14** 1 Zo 1.1
2:12-14 Ef 6.10

Nde nan tari, nde nza won Ndia Fhe Bakime kanji. Gu maan muunjiap kha buni khergiap, nde ndi mbai.

Nde nan ndegi, nde mba fhum ki guma, nde ana kanji, ana ntige mbara muunjiap khar ki. Gu maan muunjiap kha buni khergiap, nde ndi mbai.

Nde gumgir njkaa, nde khan tiga njkashkagim, Fhe Bakime buni vhuuin, nta khan tiga havhargiap, nde ndavi vherir kim, nde Satan daanjia mbur khingi. Gu maan muunjiap kha buni khergiap, nde ndi mbai.

Nza wari wo ndavir nuianan tivi mbatigi nini thari.

¹⁵ Nde kha nuianan ki tivi mbatigi, nde ndavir ntan nini, nde vhira kha nuianan ki bigi, nde za ndavir ntan nini thari. Guma kha nuianan ki tivi mbatigi, ana ndavar nta ndi, ana nza won Ndia Fhe Bakime, ana guigira won ndavar kha nuianan ki gumgi ga nini, guigira mbe vuzvugi tiv anan ki fhu. ¹⁶ Nza vhira khuen kanji, kha nuianan tivi mbatigi, zam nta zin vui gumgi, mbe mbui tivi khare. Mbe kha nuiana bigi garav, nta nzuav, ndavi khavav, nta nzuav rimgi phara tuav, ririw wari ziri ndi vun kuamkuagi. Mba tivi, nta nzan Ndia Fhe Bakime han Hevenan kega zergi fhuvara. Nta kha nuianan tivi ma. ¹⁷ Kha nuian zumgum vhezgira. Kha nuiana bigi garav, nta nzuav ndavi khavav, rimgi phara tui tivi, nta vhira ana phorgip vhezgira. Maan muunjiap, Fhe Bakime nzuai tivi zin vui guma, ana

2:15 Mt 6.24; Ro 8.7; 12.2; Ga 1.10 **2:16** Ro 13.14; Ze 4.16; 1 Pi 2.11 **2:17** Mt 7.21; 1 Ko 7.31; Ze 1.10; 1 Pi 1.24

kha nuiana phorgip vhezgirga tuktiigi fhuvara, ana zazera mbara muungip kirga.

Krais pana guma higi.

¹⁸ Nde nan tari, Zisas taagi zirirga tuk han mbarigi. Nde fhum Krais pana guma zirga kamen mbararagi. Ntigem anan pana gumgi vhirve hegi. Nza ntigem maan muungiap gangiap, nza kanji, ntige Zisas zirirga tuk han mbarigi. ¹⁹ Nde gani, mba fharav nza phorga kegi gumgi, mbe guigira nza phorgap nza bina bavira ki gumgi fhuvara. Mbe maan muungiap nza thav, vegi. Mbe guigira nza phorgap nza binan ki ntiri fhuvara. Mbe maan muungiap nza bina guara ntiri kake, mbe nza phorgap nza binara kae. Mbe nza thav, vegim, nza maan muungiap tuituigiap kanji, mbe guigira nza bina ntiri fhuvara.

²⁰ Nde Fhe Bakime Guman Njaar Zisas, ana Fhe Bakimen Njina Njaarar nde ningim, nde zam ana buna guaren kanji. ²¹ Gu maan muungiap kha ndikndigar nde mbui fhu, nde Fhe Bakime buna guaren kakagi. Gu mba ndikndigar nde mbuav, kha buni khergiap, nde ndi mbai fhuvara. Gu khan muungi ne nzuav kha buni khergi. Nde Fhe Bakime buna guaren, nde ne kanji. Fhe Bakime buna guaren, ne guigi buna thuen suangirga tuktiigi fhuvara. ²² The mba bigi guiguigi guma? Mba bigi guiguigi guma, ana khan nzuai ne ma, “Zisas, ana Fhe Bakime taagiap wo gumgi gu mbigi ndir zav suangiap farasarigi guma fhuvara.” Mba

2:18 Mt 24.5; 24.24; 2 Te 2.3; 1 T 4.1; Hi 1.2; 1 Pi 4.7; 2 Pi 2.1; 2 Zo 1.7 **2:19** Mt 24.24; Zo 6.37; FG 20.30; 1 Ko 11.19 **2:20** Zo 10.4; FG 3.14; 1 Ko 2.15; 2 Ko 1.21; Hi 1.9; 1 Zo 2.27 **2:22** 1 Zo 4.3; 2 Zo 1.7

khesharigi buni nzuai guma, ana kir nzan Ndia Fhe Bakime sav, vhira kir anan Kama segap, khan ana nzuai, “Ana Fhe Bakimen Kam fhuvara.” Ana maan mbuav ana Kraisan pana guma ga gegi. ^b ²³ Guma kir Kama segi, ana Fhe Bakime phorgip ndava bavira kegirga tuktigi fhu. Guma Kama khothigi, ana Fhe Bakime phorgip ndava bavira kirga.

Fhe Bakimen Nina Njaar, ana Fhe Bakime buni vhuuin nza khivi.

²⁴ Nde mba fhum mbararagi buna guaren, nde ne suira havhargiri. Nde maan muungip ne suira havhargirga, nde zazera kha Ndia gu Kama phorgi kirga. ²⁵ Maan muungiap, Zisas kha kama havharen nza suangi. Ana zazera mbara muungiap ki biinjbin nzan niingirga.

²⁶ Gu kha buni kherav, nde guiguigiap, nde ndi pham tuavar mbai gumgi bun nde nzuai. ²⁷ Gu nde kanji, nde Krai han Fhe Bakime Nina Njaara ndigim, ana nde phorga ki. Maan muungiap, nde bigin the kakagirim, guma the buni tharir nde suanv nde khivirie? Fhuvara. Fhe Bakime Nina Njaar za mba bigir nde khivigi. Ana buni, nta guigira buni guari ma. Nta guiguigi buni fhuvara. Maan muungiap, Fhe Bakime Nina Njaar mba bigi nde khivim, nde nta zin ngip, nde guigira Krai phorgi havhargiri.

b 2:22 Khan nzuai kamen, “Fhe Bakime taagip kha nuianan ki gumgi gu mbigi ndir zav suangiap farasarigi guma,” mbe Grikin, kaman, mbe kha zitir ana mbui, “Krais.” **2:23** Zo 5.23; 14.7-10; 15.23; 1 Zo 4.15; 5.1; 2 Zo 1.9 **2:24** Zo 14.23; 1 Zo 1.3; 2 Zo 1.6 **2:25** Zo 3.15; 6.40; 17.3; 1 Zo 1.2; 5.11 **2:27** Zo 14.26; 16.13; Hi 8.10-11; 1 Zo 2.20

Nza ntigem Fhe Bakimen tari ki.

²⁸ Ahan, nde nan tari, nde guigira Zisas phorgip havhargiri. Ana zumgum za kirar hîrga, nza ana phorgip thîgi havhargirga, nza ana nîman thivîrgeŋ nzuav ndikndîgi vîrve muuŋv mberîrga tuktîgi fhu. ²⁹ Nde maan muuŋgiap khueŋ kaŋgi, Zisas tivir vhuuŋra mbui guma ma. Nde vîra khueŋ kaŋgiri, tivir vhuuŋan mbui gumgi, mbe Fhe Bakimen tari ma.

3

¹ Mbaia, nde ram mbui ndikndîga mbui. Fhe Bakime, ana guigira nza vuzvugiap, guigira won ndavar nza nîŋgi! Ana guigira won ndavar nza nîŋgiap, kha kakaman nzan muunga, nde nan tari ma. Ne guigi guarara, nza Fhe Bakimen tari ma. Kha nuianan tîvi zin vui gumgi, nza kaŋgi fhu. Mbe vîra, nza Ndia Fhe Bakime kaŋgi fhu. Mbe nza Ndia Fhe Bakime kaŋgia kake, mbe nza kaŋge. ² Nde nan kivntogi, nza ntige Fhe Bakimen tari ki. Nza zumgum ramgi kiri tivar muuŋrie? Nza tuituigiap ne kaŋgi fhuvara, ne ntigar kirar hîrga. Nza khueŋ kaŋgi, Zisas Kraisa, ana zumgum guigira kirar hîrga, nza guigira ana ganip, nza guigira ana kaŋgip, nza ara farar muuŋgirga. ³ Ntigem ana rarga ki gumgi, mbe nduarira wari won kiri tîvi garav, mbe zazera Fhe Bakime nîman ŋgaravra wari ki. Mbe ŋgarav, Kraisa fara muuŋgiap wari kiri.

⁴ Tîvi mbatîgi ga mbui guma, ana Fhe Bakime

suanḡi tìvi daasui guma ma. Tìvi mbatìgi, nta Fhe Bakime suanḡi tìvi daasui tìv ma. ⁵ Nde kanḡi, Zisas ana tìvi mbatìgi vḡizi zav zergi. Ana tìva mbatìga thuenḡ anan ki fhuvara. ⁶ Kraiḡ phorga ki guma, ana tìvi mbatìgi ga mbui fhu. Guma tìvi mbatìgi ga mbui, mba guma, ana Kraiḡ gangi fhu, ana vḡira, ana kanḡi fhu.

⁷ Nde nan tari, nde tuituigira wari ganìv, kiri. Nde muunḡv kirim, guma the zìv, nde guigip, nde ndi pham tuavar mbararga. Nde mbarara, tìvir vhuuianḡ mbui guma, ana Fhe Bakime nìman, ana guman tìvar vhuunḡ ma. Ana Kraiḡ fara muunḡi, ana guman tìvar vhuunḡ ma. ⁸ Fhum fhara guarara Fhe Bakime kha nuian gu bigi ga muunḡi, Satan ḡigap, tìva mbatìga ndi kha nuiana khingiap, zazera tìvi mbatìgi ga mbui. Maanḡ muunḡiap guma tìvi mbatìgi ga mbui, ana Satan guma ma. Satan maanḡ mbuim, Fhe Bakimen Kam, anan ḡaara farfav, ana vḡarvḡara zav zergi. ⁹ Maanḡ muunḡiap, guma Fhe Bakimen kama gegi, ana tìvi mbatìgi ga mbui fhu. Fhe Bakimen tìvi mba guman ki. Maanḡ muunḡiap, mba guma tìvi mbatìgir muunḡirga tukḡiḡi fhu. Ana Fhe Bakimen kam ma. ¹⁰ The Fhe Bakimen kam, the Satanan kam? Nza maanḡ muunḡip kanḡi sanḡv, nza kḡanḡ muunḡip, gangip, kanḡirga. Guma tìvir vhuuianḡ mbui fhu, ana Fhe Bakimen kam fhuvara. Guma wo phorgap guigira Zisas kḡothìḡi gumḡi, ana guigira won

3:5 Ais 53.5-6; 53.11; Zo 1.29; 2 Ko 5.21; 1 T 1.15; Hi 4.15; 1 Pi 2.22-24; 1 Zo 2.2 **3:6** Ro 6.1-2; 6.14; 1 Zo 2.4; 3.9; 4.8; 3 Zo 1.11
3:7 Ro 2.13; 1 Zo 2.26; 2.29 **3:8** Stt 3.15; Ru 10.18; Zo 8.44; 16.11; Hi 2.14 **3:9** 1 Pi 1.23; 1 Zo 5.18 **3:10** 1 Zo 2.29; 4.8

ndavar mbe ndiiv, tivir vhuuin mbe mbui fhu, ana vhiira Fhe Bakimen kam fhuvara.

Nza guigira wari won ndavir harigi ntiri ninga.

*Zisas guigira won ndavar harigi ntiri ninga
tivar nza khivigi.*

¹¹ Nde fhum fhara guarara kha kamen mbararagi. Mba kamen khan nzuai. Nza guigira wari won ndavir harigi ntiri ningiri. ¹² Nza Kein farar muungip ki thari. Ana Satan guma ma, ana maan muungiap, nduara won nguga shogim, ana rimgi. Ana ram muungi ne nzuav won nguga shogim, ana rimgi? Ana khuen nzuav ana shogim, ana rimgi. Ana nguk tiv nzerigi, anan tiv mbatigi. Ana ne nzuav ana shogim, ana rimgi.

¹³ Nde na phorgap guigira Zisas kothigi gumgi, kha nuiana gumgi maan muungip panan nde kegrim, nde ne suanv ngava mbatigar muun thari. ¹⁴ Nza khuen kanji, nza won ndavir wo phorgap Zisas kothigi gumgi ga ndiav, nza kanji, nza vhezgi tuav thagi. Nza zazera mbara muungip kirga bingbing ndirga tuav, nza anan ki. Guma ndavar wo phorga guigira Zisas kothigi gumgi ga ndii fhu, ana riiv, za rimgiap, za vhezgi tuavar ki. ¹⁵ Guma wo phorgap ana Zisas kothigi guma, ana guigira won ndavar ana ningi fhu, ne khan muungi, ana mba guma shogim, ana rimgi. Nde khuen kanji, harigi guma shogim, ana rimgi

3:11 Zo 13.34; 15.12; 1 Zo 1.5; 4.7; 4.21 **3:12** Stt 4.8; Hi 11.4; Zu 1.11 **3:13** Mt 5.11-12; Zo 15.18-19; 17.14; 2 T 3.12 **3:14** Zo 5.24; 1 Zo 2.9-11 **3:15** Mt 5.21-22; Ga 5.21; VB 21.8

guma, ana zazera mbara muungia ki biñbiñ ndi tuavar ki fhuvara. ¹⁶ Zisas, ana nduara won tuma fekhingiap, nzan kurkura zav nza nzuav rimgi. Ana mba tiva muungiap, ana guigira won ndavar harigi gumgi ga ndii tivar nza khivigi. Nza maan muungiap mba tiva kanggi. Nza vhira wari wo ntuaa fusuv, nza phorgap guigira Zisas kothigi gumgi, nza mben kurkurarga. ¹⁷ Maan muungip, guma the kha nuiana bigi kiv, ana wo phorgap guigira Zisas kothigi guma the ganirim, ana kha nuianan bigi sosuagirga, ana ana gangip, ana korar muungirga fhu, mba guma Fhe Bakime guigira won ndavar gumgi ga niñgi tiv anan ki fhu. ¹⁸ Nde nan tari, nde thin kumanin wari won ndavir harigi gumgi ga ndii ne suanj thari. Fhuvara! Nza guigira wari won ndavir mben niñv, guigira mben kurkurari.

Zisas kothigap ana zin vui gumgi, mbe Fhe Bakime niman thivgia havhargiri.

¹⁹⁻²⁰ Nde khuen kangiri, nza guigira wari won ndavir wari phorgap guigira Zisas kothigi gumgi ga ndii, nza guigira buna guareñ zin vui. Nza maan muunga, nzan ndavi tiva mbatiga thuen muungi ne suanjv nza suanga, nza ne suanjv ndikndigi vhirver muunga fhu. Nza Fhe Bakime niman rivirga fhu. Nza kanggi, Fhe Bakime za mba bigi kanggi. Ana ndikndik, nza ndavi vherir ki ndikndigi, ana za nta kambarigi. ²¹ Nde nan kivantogi, nzan ndavi vheri bigin mbatiga

3:16 Zo 3.16; 13.1; 15.13; Ro 5.8; Ga 1.4; Ef 5.2; 5.25; 1 Te 2.8 **3:17** Lo 15.7; Ru 3.11; 1 Zo 4.20 **3:18** Ro 12.9; Ze 2.15-16; 1 Pi 1.22
3:19-20 Zo 18.37; 1 Zo 1.8 **3:21** Hi 4.16; 10.22; 1 Zo 2.28; 4.17

thuenj muunji ne nzuav nza nzuai fhu. Nza Fhe Bakime niman, nza thivgia havhargi. ²² Nza maan muungip bigin the suanjv ana phorgi suanga, ana mba biginan nzan niinga. Ana khan muunjiap, nza ana nzuai tivi, nza nta zin vuav, nza ana vuzvugi tivi, nza nta mbui. ²³ Ana nzuai tivi khare. Nza ana Kam Zisas Krai kothigip, ana suanji tivi, nza za nta zin ngip, nza guigira wari won ndavir warir niinga. ²⁴ Maan muunjiap, guma the Fhe Bakime suanji tivi zin vui, mba guma, ana Fhe Bakime phorga havhargi. Fhe Bakime vhira mba guma phorga ki. Fhe Bakime won Njina Njaar nza niingi. Nza maan muunjiap kanji, Fhe Bakime ana nza phorga ki.

4

Nde njiningir ngari njari ganiri, nta Fhe Bakime han kega zegi njina o, njiningi mbatigi khar ngari.

¹ Nde nan kivntogi, Fhe Bakime kamthoonj gumgir wari guiguigi gumgi vhirve, mbe tamtam kha nuianan rurga. Maan muunjiap, nden han ziv khan suanga gumgi, “Fhe Bakime Njina Njaar kha kamen na niingi.” Nde za mbe kothivi thari. Nde mbe mbui njari gu mbe nzuai buni mbararari. Nde maan muunv, nde kangirga khe Fhe Bakime han kega zigi o, fhuvara. ² Nde Fhe Bakime Njina Njaar gangip, ana hiarga, ne khan muunji. Nde mbarararga khan nzuai guma, “Zisas Krai, ana

3:22 Sng 34.15; Jer 29.12; Mt 7.8; 21.22; Zo 9.31; 14.13 **3:23** Zo 6.29; 13.34; 15.12; 15.17; 17.3; 1 Te 4.9; 1 Pi 4.8; 1 Zo 2.8-10 **3:24** Zo 14.23; 15.10; 17.21; Ro 8.9; 1 Zo 4.12-13 **4:1** Mt 7.15; 24.4-5; 24.24; 1 Te 5.21; 2 Pi 2.1; 1 Zo 2.18; 2 Zo 1.7; VB 2.2 **4:2** 1 Ko 12.3; 1 Zo 5.1

guigira kha nuianan zergap, guma guara gegi.” Maan nzuai guma, Fhe Bakimen Njina Njaar mba guman vhen ki. ^a ³ Nde maan muungip mbarararga, guma mba khesharigi kamen Zisas ga nzuai fhu, mba guma, ana harigi njina ana vhen ki. Mba njina, ana Fhe Bakime han kega ziggi fhuvara. Mba njina, ana Kraisan pana guman njina ma. Nde fhum mba guma zirga kamej mbararagi. Ana njina ntige zigap, kha nuianan ki. ⁴ Nde nan tari, nde Fhe Bakime ntiri ma. Nde Fhe Bakime kamthoon gumgir wari guiguigi gumgi, nde mbe daangia mbur khingi. Nde khanj muungiap, nden vhen ki Njina Njaar, ana kha nuiana gumgir vhen ki njina, ana ana kamarigi. ⁵ Mba gumgi, kha nuiana gumgi ma. Maan muungiap, mbe buni kha nuiana buni

a **4:2** Zon kha gava khengi tugen, Fhe Bakimen kamthoon gumgir wari ga shikshigi gumgi mbari, mbe fhura guiguigiap Zisas Kraisan tivir gumgi gu mbigi ga nzuav rui. Nza mba gumgi nzua rui buni, nza tuituigia nta kanji fhuvara. Mba bigi kanji gumgi mbari, mbe kha ndikndiga mbui. Mbe khanj muungia mba gumgi gu mbigi khivav mbe nzuai. Mbe khanj nzuai, “Zisas gu Krai, mani wanira fara muungi fhuvara.” Mbe khanj nzuai, “Krais, ana fhum fhum guarara, Fhe Bakime han ki kamej ma.” Ndu Zon 1.1 ganiri. Ana Fhe Bakimen Kam ma. Khuej guigi guarara, Krai, ana guma guara gegi. Fhe Bakime taagip kha gumgi gu mbigi ndir zav mba njara muungi. Ana Krai farver mba njara muungi. Kha guma Zisas, ana haa nuianan kav mba bigi ga muungiap, ana zungum rimgi. Ana vhira taagia kha nuianan ki gumgi gu mbigi ndi njara kurigi fhuvara. Mbe maan nzuaim, Zon maan muungiap khanj nzuai, “Mba Fhe Bakime kamthoon gumgir wari ga shishigi gumgi nzuai buni, nta guigira buni guari fhuvara. Zisas Krai ana Fhe Bakimen Kam ma. Ana guma guara gegi. Ana muungi njara, ana njara bavira muungi.” **4:3** 2 Te 2.7; 1 Zo 2.18; 2.22; 2 Zo 1.7 **4:4** Mt 12.29; Zo 16.33; 1 Ko 2.12; Ef 2.2; 6.12; 1 Zo 5.4-5 **4:5** Zo 3.31; 15.19; 17.14

ma. Maan muunjiap, kha nuiana gumgi, mbe buni mbararagi. ⁶ Nza fhuvara, nza Fhe Bakime ntiiri ma. Fhe Bakime kanji gumgi, mbe nza nzuai buni mbararagi. Guma, ana Fhe Bakime guma fhu, ana nza nzuai buni mbararagi fhu. Nza maan muunjiap mba tiva ganiv, nza buna guarenj nzuai Njina Naar, nza ana hiarga. Nza vhira mba bigi guiguigi njina, nza vhira ana hiarga.

Guma guigira won ndavar Fhe Bakime ndii, ana vhira guigira won ndavar guigira Zisas kothigi gumgir niingiri.

⁷ Nde nan kivntogi, nza guigira warir won ndavir wari niinjri. Nza guigira wari won ndavir wari ga ndii tiv, ana Fhe Bakimen tiv ma. Guma mba tiva zin vui, ana Fhe Bakimen tar ma, ana guigira Fhe Bakime kanji. ⁸ Fhe Bakime nduara, ana guigira ndavar harigi gumgi ga ndii tivar niinge ma. Maan muunjiap, guma guigira won ndavar harigi gumgi ga ndii fhu, ana vhira Fhe Bakime kanji fhu. ⁹ Fhe Bakime, ana Kama bavira ki, ana mba Kama bavira, ana ana sarigim, ana kha nuianan zergi. Nza anan panan zazera mbara muunjiap ki biinjbiinj ndirga. Fhe Bakime mba tivar nza muunjiap, ana khuen nza khivigi, ana guigira won ndavar nza niingi. ¹⁰ Guma guigira won ndavar harigi gumgi ga ndii tiv, ana Fhe Bakimen tiv ma. Nza khuenj ndikndigi thari, nza fharav wari won ndavir Fhe Bakime niingi. Fhuvara! Fhe Bakime fharav guigira won ndavar

4:6 Zo 8.47; 10.27; 14.17; 1 Ko 14.37; 2 Ko 10.7 **4:7** 1 Zo 2.29; 3.10-11; 3.23 **4:8** 1 Zo 2.4; 3.6; 4.16 **4:9** Zo 3.16; Ro 5.8; 8.32; 1 Zo 5.11 **4:10** Zo 15.16; Ro 5.8-10; Ta 3.4; 1 Zo 2.2

nza n̄ngi. Ana fharav guigira won ndavar nza n̄ngiap, maan̄ muun̄giap, ana won Kama sarigim, ana nza muun̄gi tivi mbatigi ga nzuav rim̄in zav kha nuianan zergi. Ana zerav, rim̄giap, nza muun̄gim, nza Fhe Bakime phorgap ndava bavira ki.

¹¹ Nde nan k̄ivntogi Fhe Bakime khuen nza kh̄ivav, mba tiva muun̄gi. Ana guigira won ndavar nza n̄ngi. Maan̄ muun̄giap, nza v̄hira bevbevira, nza guigira warir won ndavir wari n̄ngri. ¹² Nza guma the Fhe Bakime gangi fhuvara. Nza guigira wari won ndavir warir n̄nga, Fhe Bakime nza phorga ki. Fhe Bakime nza phorga ki, ana ndavar harigi gumgi ga nd̄ii tiv, ana khan̄ tigip havhargip nza ndavi vherir kirga.

¹³ Nza ram muun̄gip khuen̄ kan̄girie, Fhe Bakime nza phorga kim, nza ana phorga ki? Nza ne kan̄gi, ne khan̄ muun̄gi, ana won N̄ina N̄aarar nza n̄ngi. ¹⁴ Nza Fhe Bakime muun̄gi bigen̄ gangi gumgi, nza ntige mba bigen̄ bun nzuai. Ana taagia kha nuianan ki gumgi gu mbigi ndir zav won Kama sarigim, ana kha nuianan zergi. ¹⁵ Guma the maan̄ muun̄gip khan̄ suanga, “Zisas, ana Fhe Bakimen Kam ma.” Maan̄ nzuai guma, Fhe Bakime ana phorga kim, ana Fhe Bakime phorga ki. **b** ¹⁶ Nza maan̄ muun̄giap ne khotigap, havhargi, Fhe Bakime guigira won ndavar nza n̄ngim, anan̄ tiv guigira nza phorga ki.

4:11 Mt 18.33; Zo 15.12-13; 1 Zo 3.16 **4:12** Zo 1.18; 1 T 6.16; 1 Zo 2.5-6; 4.18-20 **4:13** Zo 14.20; 2 Ko 1.22; 1 Zo 3.24 **4:14** Zo 1.14; 3.17; 1 Zo 1.1-2 **4:15** Ro 10.9; 1 Zo 5.1; 5.5 **b 4:15** Ndu 1 Zon 4.2 ki kamen̄ ganiri. **4:16** 1 Zo 3.24; 4.8; 4.12

Fhe Bakime nduara guigira won ndavar harigi ntiri ga ndii tiva niinge ma. Guma guigira won ndavar harigi ntiri ga ndii tiva zin vov, ana Fhe Bakime phorga kim, Fhe Bakime ana phorga ki. ¹⁷ Nza khuenj kothigi, Fhe Bakime guigira won ndavar gumgi gu mbigi ga ndiv, guigira nza vuzvugi. Maanj muungiap, mba tiv vhira guigira havhargip nzan ki. Nza zungum Fhe Bakime kha nuianan ki gumgi mbui tivi ga suanjv mbe suanga tugar, nza Fhe Bakime niman rivirga fhu. Nza guigira kha nuianan ki. Nza anan kav, nza Kraisi ki kiri tivara muungiap wari ki. Nza maanj muungiap rivi fhu. ¹⁸ Fhe Bakime guigira won ndavar nza niingiap, nza vuzvugi. Nza ne kothigap, nza rivi fhu. Guma maanj muungip Fhe Bakime guigira wo ndavar gumgi ga ndii tiv guigira havhargip, ana kirga, mba tiv mba rivi tiva vhararim, ana sarga. Guma rivi, ne niienj khanj muungi. Guma ana wo kanji, ana zungum vheza mbatiga ndirga. Mba ndikndik ana muungim, ana rivgi. Maanj muungip, guma the rivirga, nza kanji, mba guma Fhe Bakime guigira won ndavar gumgi ga ndii tiv guigira havhargiap, mba guman ki fhuvara.

¹⁹ Nza guigira wari won ndavi harigi gumgi ga ndii, ne khanj muungi, Fhe Bakime fharav won ndavar nza niingi. ²⁰ Maanj muungip, guma the khanj suanga, “Gu guigira won ndavar Fhe Bakime ga niingi.” Ana maanj suanjv, ana guigira won ndavar guigira Zisas kothigi guma gu mbiga the ndii fhu, mba guma, ana bigi guiguigi guma ma. Guma the Fhe Bakime gangi fhu. Maanj muungip,

guma the kha won rımanin gari gumgi gu mbigi, ana won ndavar mbe ndııi fhu, ana ram muungip, won rımanin gangi fhup Fhe Bakıme, ana guigira won ndavar ana nııngirie? ²¹ Nza Fhe Bakıme han ndigi tiv khañ nzuai, guma guigira won ndavar Fhe Bakıme nııngi, ana vñıra guigira won ndavar guigira Zisas kothıgi gumgi gu mbigi nııñri.

5

Guigira Zisas kothıgap ana zın vui gumgi gu mbigi, mbe kha nuianan ñkasñka, mbe ana dañgia mbur khıngi.

¹ Fhe Bakıme taagip wo gumgi gu mbigi ndir zav suañgiap sarigi guma Zisas, guigira ana kothıgi gumgi, mbe Fhe Bakımen tari ma. Mba guigira wari won ndavir ndia bavira nııngi gumgi, mbe vñıra guigira wari won ndavir anan tari ga ndııi. a ² Nza maañ muungip guigira wari won ndavir Fhe Bakıme ga nııngiap, ana nzuai tivı zın vui. Nza nta zın vov, nza kañgi, nza vñıra guigira wari won ndavir anan tari ga ndııi. ³ Nza guigira warir won ndavir Fhe Bakıme ga ndııi tiv khañ muungı, nza ana suañgi tivı zın vuim, ana suañgi tivı simgi fhuvara. ⁴ Fhe Bakımen tari ga gega ki gumgi, mbe za kha nuiana tivı mbatıgi ñkasñka, mbe nta daasui. Nza guigira Fhe Bakıme kothıvi tiv, mba tiv nza kha nuiana tivı mbatıgi ñkasñka phorga shogav, nza nta daasui.

4:21 Mt 5.44-45; Mk 12.29-31; Zo 13.34; 15.12; 1 Zo 3.23 **5:1** Zo 1.12-13; 15.23; 1 Zo 2.22-23; 4.15 a **5:1** Ndu 1 Zon 2.22 gu 4.2 ki kameñ ganiri. **5:3** Mai 6.8; Mt 11.30; Zo 14.15; 14.21-24; 2 Zo 1.6
5:4 Zo 16.33; 1 Zo 3.9; 4.4

Fhe Bakime thugara phirgiap won Kama bun suangi.

⁵ The kha nuiana tìvi mbatigi ñkasñka daangia mbur khingi? Guma khuenj khotigi, Zisas Kraiss, ana Fhe Bakime Kam ma, mba guma, ana kha nuiana tìvi mbatigi ñkasñka daangia mbur khingi. **b** ⁶ Kha guma Zisas Kraiss, ana mbi ruav, ana vñira ringip, wo vizina siv khanararej ga sur zav zergi. Ana mbira ruar zav zergi fhuvara. Ana mbi ruav, ana vñira ringip, wo vizina sisur zav zergi. Fhe Bakime Njina Njaar ana buni guari niñge ma, ana Zisas muñgi bigi bun nza nzuai. **c** ⁷ Kha bigina phuni khegene ana bun nzuai. ⁸ Mba bigina phuni khegene khare, Fhe Bakimen Njina Njaar, mbi gum vizin. Mba bigina phuni khegene mbe wari tìgira mba bigina bavira bun nzuai.

⁹ Nza gumgi nzuai buni, nza nta khotigi, nta maanj muñgi. Fhe Bakime nzuai bunenj, ne guigira gumgi nzuai buni kamarigi. Khe Fhe Bakime nduara won Kama bun suangi. ¹⁰ Guma guigira Fhe Bakime Kama khotigi, ana Fhe Bakime suangi bunenj, ana ne ndigi, ne ana ndava vhen ki. Guma Fhe Bakime nzuai bunenj khotigi fhu, mba guma ana khañ Fhe Bakime nzuai, ana bigi guiguigi guma ma. Ana maanj nzuav, ana Fhe

5:5 Ro 8.37; 1 Ko 15.57; 1 Zo 4.4; 4.15 **b** **5:5** Ndu 1 Zon 4.2 ganiri.

5:6 Zo 1.29; 1.34; 14.17; 16.13; 19.34; 1 T 3.16; 1 Zo 1.7 **c** **5:6** Kha Grikar kaman suangi kamenj, ne tuituigiap higi fhuvara. Ana mbi gu vizinara suangi. Mbe gumgi vñirve kha ndikndiga mbui. Mbi, ana Zisas Fhe Bakime zin panan ruagi ne nzuai. Vizin, ana Zisas riminga ne nzuai. **5:7** Zo 1.1; 10.30; VB 19.13 **5:8** Zo 15.26

5:9 Mt 3.16-17; 17.5; Zo 5.32-37; 8.17-18 **5:10** Zo 3.33; 5.38; Ro 8.16; Ga 4.6

Bakime won Kama bun nzuaim, ana ana kothigi fhu. ¹¹ Fhe Bakime won Kama bun nzuai, ne khan muungi, Fhe Bakime zazera mbara muungip kirga biinbiin nza niingi. Anan Kam, ana mba biinbiin niinge ma. ¹² Guma Fhe Bakimen Kama phorga ki, mba guma ana mba biinbiin ndigi. Guma Fhe Bakimen Kama phorga ki fhu, mba guma mba biinbiin ki fhu.

Nza khuen kangi, nza zazera mbara muungiap ki biinbiin ndigi.

¹³ Gu kha buni kherav, nde guigira Fhe Bakime Kama kothigi gumgi gu mbigi, gu nde ndi mbai. Nde khuen kangirga, nde zazera mbara muungiap ki biinbiin ndigi. ¹⁴ Nza maan muungip Fhe Bakime vuzvuk zin ngip, nza maan muungip, bigin the suanv ana phorgi suanv anan nzanga, ana nza nzai nzambaren mbarararga. Nza maan muunga, nza Fhe Bakimen rivgirga fhu, nza ana han vui. ¹⁵ Maan muungiap, nza kangi, nza nzai nzambari, ana za nta mbararagi. Nza guigira kangi, nza anan nzai bigi, ana guigira ntan nza ndiii.

¹⁶ Nza maan muungip guigira Zisas kothigi guma the ganirim, ana tiva mbatiga thuen muungirga. Mba tiva mbatigen za ana tuma farfagirga fhuvara. Nza maan muungip ana gangip, nza ana suanv Fhe Bakime phorgi suanrim, Fhe Bakime taagip ana ndigip zazera mbara muungiap ki biinbiin anan niinga. Gu khan muungi tiva mbatigen ga nzuai. Mba tiva mbatigen za mba

5:11 Zo 3.36 **5:12** Zo 3.36; 5.24 **5:13** Zo 20.31; 1 Zo 1.1-2

5:14 Zo 14.13; 16.23; 1 Zo 3.21-22 **5:16** Mt 12.31-32; Ru 12.10; Hi 6.4-6; Ze 5.14-15

guman tuma farfagirga fhu, gu mba khesharigi tiva mbatiga nzuai. Za guman tuman farfagi tiva mbatigen ki. Gu mba tiva mbatigen ga mbui gumgi ga suanjv, Fhe Bakime phorgi suan zav nde nzuai fhuvara. ^d 17 Nza kha mbui tivi mbatigi, nta za tivi mbatigi ma. Guma tuma shogim, ana za vhizi fhuv tivi mbatigi vhira ki.

18 Nza khuen kanji, Fhe Bakimen tari, mbe tivi mbatigi ga mbui tivi zin vui fhu. Fhuvara. Zisas ana gari, Satan won farver ana kxingirga tuktiigi fhuvara. 19 Nza khuen kanji, nza Fhe Bakimen tari ma. Nza Fhe Bakimen tari kim, kha nuian, ana za Satan ana gari, ana Satanan njkasjka piin ki.

20 Nza kanji, Fhe Bakimen Kam, ana kha nuianan zergi. Ana zergap, ndikndigar nza ndiii, nza guigira Fhe Bakime kanji, ana guigira Fhe Bakime ma. Nza Fhe Bakime guara phorgip, vhira ana Kam Zisas Kraiss, nza vhira ana phorgirga. Zisas Kraiss, ana vhira Fhe Bakime ma. Ana zazera mbara muungiap ki bññbiññ nññge ma.

21 Nde nan tari, nde tori gu mbarivi ana rotu mbui, nde mba khesharigi bigi, nde nta han maan

^d 5:16 Kha buna nññej tuituigiap higi fhuvara. Gumgi mbari kha ndikndiga mbui, ana gumgi guigira vhizir zav nzuai. Gumgi mbari kha ndikndiga mbui, ana wom phenatitigav vhizirga ne nzuai. Ndu Vhagi Buni Ki buni Gap 2.11 gu 20.14 ganiri. Mba kamen, mbe ne dorga khan nzuai, “Ringirga”, ne khan nzuai “Vhizgip Herar ngirgip, za fhirgirigirga.” 5:18 Zo 17.15; Ze 1.27; 1 Pi 1.23; 1 Zo 3.9 5:19 Ro 8.10; 8.23; Ga 1.4; 1 Zo 4.6 5:20 Ais 9.6; Mt 25.46; Zo 17.3; 1 T 3.16; Hi 1.8 5:21 1 Ko 10.14

thari. Nde nta thav, samra kiri. e

e 5:21 Nza Fhe Bakime buni vhuuñ ki gavar kha kamerñ ganinga. Mba kamerñ, khare. Mbarivi gu tori rotu mbui. Mba kamerñ, ne za kha nuianan ki tivi mbatigi vharigi kamerñ ma. Mba kamerñ ne guigira bigina mbatigerñ ma. Maan muunjiap, Zon khan ne nzuai. Ne khan muunji, mba tiv, ana guigira tiva mbatigerñ ma. Guma the maan muunjiap, tiva mbatiga thuenñ suirav, nen muunju, guigira won ndavara ne niñgirga, mba tiv ana gari. Ne khan muunji, mba tiv anan mbarivi gu tori fara muunji. Ana mba tiva rotu mbui.

Fhe Bakimen Kaman Kamen Kire New Testament

copyright © 2001 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

bfb792d-a7df-5425-8e30-1e4968f04468